

Postavljanje zaštitne skele na objektu Grkovića kuće

Â

Â-Â Â Â Â Â Â Postavljanje zaštitne skele na objektu Grkovića kuće

Agencija "Stari grad" je dana 09.05.2023. godine donijela Odluku o pokretanju postupka javne nabave putem konkurentskog zahtjeva za dostavu ponuda za nabavku radova: "Postavljanje zaštitne skele na objektu Grkovića kuće" u procjenjenoj vrijednosti od 16,495,00 KM bez PDV-a, a koje će se izvesti u skladu sa stručnim mišljenjem Federalnog zavoda za zaštitu spomenika broj:07-40-4-188-1/09 od 19.01.2009.godine. Sredstva su obezbjeđena u Budžetu Grada Mostara za 2023.godinu (čl.36. Statuta Grada Mostara broj:7/23).

Nakon sprovedenog postupka javne nabavke Agencija "Stari grad" je 08.06.2023. godine potpisala Ugovor sa najpovoljnijim ponuđačem G.D. "BIĆINA" d.o.o. Mostar za obavljanje predmetnih radova u vrijednosti od 19.281,60 KM sa PDV-om, odnosno 16.480,00 KM bez PDV-a.

Donesena Odluka 07.06.2023. godine o pokretanju postupka javne nabave putem direktnog sporazuma za nabavku usluga: "Nadzor nad postavljanjem zaštitne skele na objektu Grkovića kuće" u procjenjenoj vrijednosti od 595,00 KM bez PDV-a. Za realizaciju nabavke, sredstva su obezbjeđena u Budžetu Grada Mostara za 2023. godinu. Agencija "Stari grad" je 08.06.2023.godine prihvatila ponudu ARHI plus d.o.o. Mostar za pružanje usluga: "Nadzora nad postavljanjem zaštitne skele na objektu Grkovića kuće" u iznosu od 593,28 KM bez PDV-a, odnosno 694,14 KM sa PDV-om.

Dana 06.07.2023.godine Agencija "Stari grad" je od strane izvođača radova "BIĆINA" d.o.o. Mostar dobila Obavijest o završetku radova za "Postavljanje zaštitne skele na objektu Grkovića kuće". U skladu sa ugovorenim obavezama i tenderskom dokumentacijom izvedeni su slijedeći radovi: Montaža cijevne skele na fasadi sa podanicima od dva reda daske d=5cm uvrštene za konstrukciju skele na prvoj i zadnjoj etaži. Na prvoj etaži izraditi prepust poprečnih cijevi, pod uglom od 30 stepeni. 1m van ravni skele kao zaštitu prolaznika. Izrada i montaža prema projektu zaštitne skele; Uklanjanje nestabilne plastike i slabo vezanog maltera, te oštrenje balkona od čelika i rastinja. Na mjestu ispod balkona izvršiti ojačanje skele sa dvije dodatne i jednom podupiračnom cijevi i čelika daske podnice d=5cm; Sidrenje nestabilnih dijelova zidane konstrukcije sa uklanjanjem rastinja koje izlazi na otvore van objekta; Podupiranje nadvratnika fleksibilnim podupiračima uz predhodno postavljanje vodonepropusne oplate.

Komisija za pregled izvršenih radova je zapisnički 10.07.2023.godine izvršila internu primopredaju izvedenih radova izmeđ u Izvođača i Investitora za radove na "Postavljanje zaštitne skele na objektu Grkovića kuće", te konstatovala da su radovi izvedeni prema obimu radova i ugovorenim uslovima, u skladu sa važećim tehničkim propisima, obaveznim standardima i normativima i

obavezama koje proistiċu iz Odluke Komisije za zaštitu nacionalnih spomenika o proglašenju Historijskog urbanog krajolika Mostara nacionalnim spomenikom BiH i Zakona o prostornom planiranju i korištenju zemljišta na nivou Federacije BiH, te se isti mogu primiti od strane investitora.

Â